



Inatsisartunut ilaasortaq Michael Rosing
Maani/

**§ 37, imm. 1 naapertorlugu nannut angalaannartut pillugit apeqqummut nr. 148-
mut akissuteqaat**

08. juni 2012
Sagsnr. 2012-067049
Dok. Nr. 928327

Naalakkersuisut 30. maj 2012 § 37 imm. 1 naapertorlugu apeqquteqaammik, nannunut angalaannartunut tunngasumik ilinniit tigusaqarput. Apeqquteqaat akisussaaffeqarfinni akisassanngorlugu innersuunneqarpoq.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Makku apeqqutigineqarput:

- 1) Paasissutissat ukiut tallimat kingullit ingerlanerini pissarsiarineqarsinnaasut tunngavigalugit kissaatigaara makku paasissutissiissutigineqassasut:
 - a) Nannut angalaartut qassit Kalaallit Nunaata Kujataa angusarpaat (Kitaani Qeqertarsuup Tunuata kujataani) imaluunniit Kalaallit Nunaata Kujataata nunataanut qaqisarpasat?
 - b) Nannut takuneqartut qassit pisarineqartarpat piniartunit imaluunniit allanit illersortariaqarneq pissutialugu?
 - c) Nannut takuneqareerlutik annattartut qassiuneri?
- 2) Kisitsisit tunngavigalugit kissaatigaara paasissallugu Naalakkersuisut siunertalittut isiginaat, maannakkut Kalaallit Nunaata Kujataani inuutissarsiutigalugu piniartunut ukiumut pisassiissutigineqartartut attatiinnarnissaat pissusissamisoornerisooq imaluunniit siunertaqarnerusutut isigineqarnerisooq aallaaniarsinnaanermut akuersissummik pillit kikkulluunniit nannussinnaanngortitaappata taqqavani angalaaginnartunik, pisarineqartullu ukiup tulliani pisassiissutigineqartunit ilanngaatilugit?

1-mut)

- a) Aalisarnermut, Piniarnermut Nunalerinermullu Naalakkersuisoqarfik (APNN) ukiuni arlaqalersuni aalajangersimasumik pisanik killilersukkanik nalunaarsueriaaseqarpoq, 2005-miillu nannut taamatut nalunaarsugaasimallutik. Nannunniarsinnaanermut akuesissutip tunniuneqarnerani pisanik immikkut nalunaarfissaq ilanngunneqartarpoq, tassani piniartup immersugassaralugu nanoq sumi qanga qanorlu pisarisimanerlugu, paasissutissat nannuttarisimasamut tunngasut ilanngullugit. Immersugassaq imminut illersorniarluni unioqutitsilluniluunniit nannunnermi aamma atorineqartarpoq.
- b) Nannut piniakkatut isiginagit siumuinerni paasissutissat ullumikkut aqqjissuussaasumik katersorneqarneq ajorput ullumikkut, kisianni paasissutissat toqqorsivinniippat. Kalaallit Nunaalli, Nunat Nanoqarfiusut (Polar Bear Range States) peqatigalugit nalunaarsuiffissamik, Norge-mit USA-millu suliarineqarsimasumik siunissamilu siunertamut tamatumunnga atorineqalerumaartussamut ukioq manna misileraasoqassaaq. Taanna tunngavigalugu kisitsisit akissuteqaammi matumani atorineqartut, nannunik

pisassiissutit iluini, unioqquitsilluni imminulluunniit illersorniarluni pisarineqarsimasuninngaanneerput.

Ilanngussaq 1-mi takuneqarsinnaapput ukiuni 2007-miit 2011-mut aqutsiveqarfinni Sisimiuni, Maniitsumi, Nuummi, Paamiuni, Narsami, Qaqortumi Nanortalimmilu nannuttarineqarsimasut amerlassusaat. APNN-ip paasissutissaataasa takutippaat piffissami pineqartumi nannut 25-it pisarineqarsimasut, taakkunanga 5-at imminut illersorniarluni toqunneqarlutik. Ataasiarluni unioqquitsilluni nannuttoqarsimasoq nalunaarutigineqarsimavoq. Imminut illersorniarluni nannuttarineqartut pisassiissutaasunut ilanngaataaneq ajorput.

Malugineqassaaq Nuummiit Nuullu kujataani nannuttarineqartut 2007 tikillugu, Tunumi nanoqatigiinnit tiguneqartarmata. Tamatuma kingorna Nuummi pisarineqartut Baffin Bay-imi nanoqatigiinnit pisaasutut naatsorsuunneqartalerput, Sisimiuni Maniitsumilu pisaasut assigalugit.

- c) Nannut pisimasuni arlalinni qimaatinneqarsinnaasarsimapput uteqqinnatillu, APNN-miilli eqqoriarneqarsinnaanngilaq nannut qanoq amerlatigisut takuneqareernermikkut uumaannartarnersut.

2-mut)

Ullumikkut pisasseeriaaseq, tassani Kalaallit Nunaata Kujataa ilanngullugu, Naalakkersuisunit attatiinneqarpoq. Nannut Kalaallit Nunaata Kitaata kujataanut pisartut ilaat Tunumiit sikorsuit aqutigisarsimasinnaavaat. Nannulli aamma Davis Stræde-mi nanoqatigiinnersuusinnaallutik.

Nannunik angalaannartunik naammattuineq imminulluunniit illersorniarluni toqutsisariaqarnerit tamamik immikkut pisutut isiginiarneqartarput, Naalakkersuisoqarfillu sinaakkutissiisussanik maleruagassiorsimavoq, pisunut tamanut aallaaviusussanik. Saaffiginninnerit tamarmik immikkut isiginiarneqartarput, qanorlu iliuuserineqarumaartussat pisut aallaavigalugit assigiittaratik, ingammik imminut illersornissaq pisariaqassatillugu. Politiit, kommunefogedit aamma piniarnermut aalisarnermullu nakkutilliisut, naammattoorsiffiusuni akulerutsinneqartarput.

Qulaani taaneqartut, pisasseeriaatsimik attassiinnarnissamik isuma ataavartunillu sinaakkusiisussanik maleruagassat aallaavigalugit, kommunit Namminersorlutillu Oqartussat assigiinnik qanoq iliornissamut periaaseqarput, Naalakkersuisoqarfimmut pisat amerlassusaannik aqutsisinnaanissaminut, nannunillu toqutsisariaqalersinnaanernut nakkutilliinissamut periarfissiisunik.

Kinaluunniit nannumik pakasarneqartoq pinerliittaalisaaanermut inatsit naapertorlugu, imminut illersorniarluni nannumik toqutsisinnaatitaavoq. Pisarineqartup toqunneqarnerata kingorna qanoq pineqarnissaa Namminersorlutik Oqartussat akisussaaffigaat, maleruagassiallu aallaavigalugit suliarineqartarlutik. Nannup amia, niaqua, kukii, aqajarua, usuata saarnga neqaalu arsaarinnissutigineqartarpoq. Trikininik nassaarfigineqarsimanngippat, neqaata agguanneqarsinnaanera ilaatigut akuersissutigineqartarpoq.

Imminut illersorniarluni nannumik toqutsisoqarsimatillugu, pisassiissutaasunit ilanngaanissaq nalunaarut atuuttoq naapertorlugu tunngavissaqanngilaq. Imminulli

illersorniarluni nannumik toqutsineq nalunaarsorneqartarpoq, pisaasimasunullu naatsorsuutitut biologinut tunniunneqartartunut ilaatinneqartarlutik.

Pisassiissutit sinneqartillugit pisullu aallaavigalugit pisariaqartinneqarpat, nanoq naammattoorneqartoq nannunniarsinnaanermut akuersissutilimmut pisareqquneqartarpoq. Ilaanneeriarluni nannut qimaatinneqarsinnaasarput. Ilaanneeriarluni nannut qimaatinneqarsinnaaneq ajorput, tungaanut eqqarluni, qamuterallannik imaatigulluunniit angallammik ersisaarneqaraluarlutik. Taamatut pisuni pisariaqalersinnaasarpoq nannup toqunneqarsinnaanissaanut akuersissummik tunisinissaq, nanoq inunmut pigisanulluunniit ulorianartorsiorfittisinnaammat.

Piniakkat killilersukkat tamarmik, qilalukkat qaqqortat qernertallu amma timmissat kisiisa pinnagit, taakkua inuussutissarsiuutigalugu sunngiiffimmilu piniarnermut allagartallinnut agguanneqartarmata, inunnit atuuttumik inuussutissarsiuutigalugu piniarnermut allagartallinnarnit piniarneqarsinnaapput. Tamatumani qularnaarniarneqarmat inuussutissarsiuutigalugu piniartut aningaasatigut isertitsivissaqarnissaat, aningaasarsiorneqarmat perierfissarsaat aalisakkat piniakkallu assigiinngitsut ukiup ingerlanerani takkuttarnerisigut qimaguteqqittarnerisigullu killilersimaarneqarmata.

Piniarnerup kulturitta ilaatut attatiinneqarnissaanut pingaaruteqarpoq, inuussutissarsiuutigalugu ingerlatsisuusuni tunngaveqartinneqarnissaa kinguarinnullu tulluuttunut ingerlateqqinneqarnissaa. Taamaattumik Naalakkersuisoqarfimmit pisassiissutit sinneqarnersut imminullu illersorniarluni nannumik toqutsinissaq pisariaqassanersoq misissorneqartarpoq.

Nannunik siumuinerneq imminullu illersorniarluni nannumik toqutsisariaqalersinnaanermut malittarisassat APNN-mit ataavartumik nalilersorneqartarput, tamatigut pisariaqartitsineq aallaavigalugu tulluussagaasimanissaat anguniarlugu. Nannut pisassiissutit avataanni pisarineqartut pinaveersaartinniarlugu maleruagassat atuuttut sillimaniarnermullu pilersaarutit pitsanngorsaavigineqarnissaat, APNN-mit tulluorsorineqarneruvoq.

Inussiarnersumik inuulluaqqusillunga
Med venlig hilsen

Ane Hansen